

*Gegoo ji-onji-  
naagajiwindwaaban  
Manitoba  
bemaadiziwaad*

# Gwayak Ji-naagajiwindwaa

AWIYAG  
GENAWENIMINDWAA

Omaa Manitoba maawaj minose  
wiji'iwewin miziwekaming. Miziwe  
enokaadamowaad mino-ayaawin  
waawiji'idiwag amii wenji-minosenig  
wendanokiitamowaad.

*Piwe The Protection for Persons  
in Care Act* onaakonigewin  
ayaamagad ji-bimosaadeg  
anokaadeg mino-ayaawin.

## **Awiyag Genawenimindwaa**

O'owe onaakonigewin ji-  
wiji'igowaad awiyag ningoji  
ganawenimindwaa daabishkoo  
aakoziwigamigong gemaa  
bakaan ningoji.

## **Gagwaadagi'iwewin**

Omaa onaakonigewining,  
gaawiin awiya ji-gagwaadagiwind  
daabishkoo godagiwind,  
nishibaapinodawind, gashk-  
endamiwind gemaa manizhoon-  
iyaawind. Giishin awiya gegoo  
owe izhichigaanind, gemaa  
ashonanind gemaa gaye ji-gichi-  
wanichigepan ji-wiindamaageng  
gagwaadagi'iwewin.

## **Ji-onji-dibaaJimoyan**

Omaa Manitoba, onjida ji-dibaaJimod giishin awiya gagwaadagiwind. Giishin awiya inendang awiyan gagwaadagi'imirind gemaa wii-gagwaadagi'imirind zhemaag ji-dibaaJimod.

## **Ji-izhi-dibaaJimoyan**

Apii gaa-onachigaadeg owe onaakonigewin, Manitoba Health ogii-onatoon endananokiiwin Protection for Person in Care Office izhinikaade. Mii ongowe endooshkamowaad gagwaadagi'iwewin.

- Jibwaa gegoo doodaman, akawe giga-ayaangwaami'aa awiya gagwaadagiwind.
- Mii izhi ganoozh Protection for Persons in Care Office, giikidiba'igesiiwin 1-866-440-6366 agwaji-Winnipeg gemaa 788-6366 omaa Winnipeg.
- Giishin gegoo gechinaawisiwan, mii imaa izhi giigidon ji-wiiji'ikwaa.

## **Apii DibaaJimong Gagwaadagi'iwewin**

Giishin dibaaJimong gagwaadagi'iwewin, gaawiin:

- awiya da-booni-naagaji'aasii awiya dibaaJimind gagwaadagiwind; zhigwa
- awiya da-babaamenimaasii abooshke anokii'aaganag genawenimiwewaad megwaa andooshkigeng.

Zhigwa miinawaa, onaagaji'igonaawaa' gaa-ganawenimaawaad awiya' giishin anishaa gegoo anaamimindwaa.

## **Gagwaadagi'iwewin Ozhibii'igaadeg, Andooshkigaadeg igaye**

Mii owe ezhi-anokiimagak

- Ishkwaa wiindamaagooyan gagwaadagi'iwewin, ingiwe Protection for Persons in Care Office gaa-inindwaa onandooshkaanaawaa.'
- Giishin gechinaawang awiya gagwaadagiwind, gemaa wii-gagwaadagiwind zhemaag andooshki-gaade.
- Gaa-biminamowaad owe onaakonigewin bigo ji-dibaaJimowaad wegonen mekamowaad.
- Maagizhaa bakaan awiyag nawach izhigaabawiwaad ji-giizhanokaadamowaad damiinaawag ji-giizhitoowaad.
- Giishin banachigeyan, abooshke anishaa giivanimotaageyan, gidaa-onashowaanigoo gemaa gidaa-diba'ige'igoo.

## **Geyaabi gegoon**

Geyaabi wii-gagwedweyan, omaa izhi giigidon

**The Protection for  
Persons in Care Office**  
300 Carlton Street  
Winnipeg MB R3B 3M9

**Phone: (204) 788-6366**

**Toll-free: 1-866-440-6366**  
(outside Winnipeg)

**Deaf Access Line TTY/TDD:**  
(204) 786-7132

**Toll-free: 1-800-855-0511**

**Fax: (204) 775-8055**

**E-mail:**  
protection@health.gov.mb.ca

**Web site:**  
[www.gov.mb.ca/health/protection/](http://www.gov.mb.ca/health/protection/)